



ՀԱՅԱՍՏԱՆԻ ԲԱՆԿԵՐԻ ՄԻՈՒԹՅՈՒՆ  
UNION OF BANKS OF ARMENIA СОЮЗ БАНКОВ АРМЕНИИ

# ՀԱՅԱՍՏԱՆԻ ԲԱՆԿԵՐԻ ՄԻՈՒԹՅՈՒՆ

Տարեկան հաշվետվություն

# 2025

# Բովանդակություն



**ՅԲՄ նախագահի ուղերձ** Էջ 3

**Ընդհանուր ակնարկ** Էջ 5

**2025թ. Հայաստանի բանկերի միության  
կողմից կատարված աշխատանքներ** Էջ 8

**Հայաստանի բանկային համակարգը թվերով** Էջ 35

## Հարգելի ընթերցող,

Ձեզ ենք ներկայացնում Հայաստանի բանկերի միության (ՀԲՄ) 2025թ. տարեկան հաշվետվությունը, որը ներկայացնում է հաշվետու տարվա ընթացքում իրականացված գործունեության հիմնական ուղղությունները, արձանագրված արդյունքները, ինչպես նաև բանկային համակարգի գործունեության վերաբերյալ ամփոփ տեղեկատվություն:

2025 թվականը Հայաստանի բանկերի միության համար հոբելյանական էր. լրացավ Միության հիմնադրման 30-ամյակը: Այս կարևոր հանգրվանը դարձավ ոչ միայն անցած ճանապարհը գնահատելու, այլև մեր դերակատարումը վերարժևորելու և զարգացման նոր նպատակներ սահմանելու առիթ:



Հոբելյանական տարվա շրջանակում Հայաստանի բանկերի միությունը կազմակերպեց միջազգային Բանկային ֆորում՝ համախմբելով շուրջ 500 մասնակից տասնյակ երկրներից: Բնարկվեցին թվայնացման, կիրառական տեխնոլոգիաների և բանկային համակարգի զարգացման հիմնական ուղղությունները:

Անցնող տարում ՀԲՄ գործունեությունն ուղղված է եղել բանկերի շահերի պաշտպանությանը՝ կենտրոնական բանկի և կառավարության հետ բանկային համակարգին հուզող հարցերի և խնդիրների շարունակական ներկայացումը: ՀԲՄ գործունեության առանցքում է եղել նաև բանկերի միջև համագործակցության խորացումը, ֆինանսական գրագիտության և հանրության կողմից բանկային համակարգի նկատմամբ վստահության ամրապնդմանը միտված աշխատանքները, միջազգային գործընկերությունների ընդլայնմանը, ինչպես նաև ֆինանսական համակարգի կայուն զարգացմանը նպաստող նախաձեռնությունների իրականացմանը:

2025թ. ընթացքում ֆինանսական զեղծարարությունների կանխարգելումը շարունակել է մնալ բանկային համակարգի կարևոր առաջնահերթություններից մեկը: Արձագանքելով աճող ռիսկերին՝ Հայաստանի բանկերի միությունը մեկնարկել է նախապատրաստական աշխատանքներ՝ 2026թ. հանրային իրազեկման արշավի իրականացման նպատակով:

ՀԲՄ ուսումնական և որակավորման կենտրոնը 2025 թվականին շարունակել է զարգանալ՝ ընդլայնելով ծրագրերի շրջանակը և ամրապնդելով իր դիրքը որպես ոլորտի մասնագիտական կրթության առաջատար հարթակ:

Տարվա ընթացքում կազմակերպվել են մի շարք մասնագիտական ֆորումներ, քննարկումներ և հանդիպումներ՝ Ազգային ժողովի, Կառավարության, Կենտրոնական բանկի, ինչպես նաև միջազգային կազմակերպությունների ներկայացուցիչների մասնակցությամբ: Այս հարթակներում բարձրաձայնվել են ոլորտի զարգացման առաջնահերթությունները, ներկայացվել են համագործակցության նոր հնարավորություններ և խթանվել է փորձի փոխանակումը:

2025 թվականը Հայաստանի բանկային համակարգի համար առանձնացավ տեխնոլոգիական առաջընթացի և ֆինանսական կայունության ամրապնդման միտումներով: Բանկային համակարգը պահպանեց իր դիրքը որպես երկրի տնտեսության առանցքային և վստահելի հենասյուններից մեկը՝ գործելով թափանցիկ, մրցակցային և կարգավորված միջավայրում:

Հաշվետու տարում բանկերը շարունակեցին ապահովել կայուն աճ հիմնական ցուցանիշների մասով՝ ընդլայնելով ֆինանսական ծառայությունների հասանելիությունը, ներդնելով նորարարական լուծումներ և բարձրացնելով հաճախորդամետության մակարդակը: Համակարգի ճկունությունն ու փոփոխություններին արագ արձագանքելու կարողությունը, միջազգային չափանիշներին համահունչ գործելաոճը և թվայնացման կայուն առաջընթացն էապես բարձրացրին համակարգի հանդեպ վստահության մակարդակը:

Ամփոփելով 2025 թվականը՝ կարող ենք վստահաբար նշել, որ Հայաստանի բանկային համակարգը շարունակում է իր զարգացման և արդիականացման ուղին՝ ամրապնդելով կայունությունը և մեծացնելով իր դերակատարությունը երկրի տնտեսական առաջընթացում:

ՀԲՄ-ն, հավատարիմ իր առաքելությանը, շարունակելու է նպաստել բանկային համակարգի արդյունավետ գործունեությանը, միջազգային ինտեգրմանը և նորարարական լուծումների ներդրմանը՝ ստեղծելով համագործակցության, գաղափարների և առաջադեմ փորձի փոխանակման հուսալի հարթակ:

Հարգանքով,

**Դանիել Ազատյան**  
**Հայաստանի Բանկերի Միության Նախագահ**

# Ընդհանուր ակնարկ

Հայաստանի բանկերի միությունը (ՀԲՄ) Հայաստանի Հանրապետության տարածքում գործող բանկերի միություն է, որը ստեղծվել է բանկերի Հիմնադիր ժողովի 1995թ. հուլիսի 27-ի թիվ 1 որոշման համաձայն:

Ներկայումս ՀՀ-ում գործող բոլոր 17 առևտրային բանկերը ՀԲՄ անդամ են: Միությունն իրավաբանական անձ, ոչ առևտրային, հասարակական կազմակերպություն է, որի գործունեության հիմնական նպատակն է բանկերի շահերի պաշտպանությունը:

Հայաստանի բանկերի միությունը ՀՀ բանկերի ընդհանրական շահերի պաշտպանության, համակարգային խնդիրների կարգավորման, բանկային համակարգի զարգացման ու բարի համբավի առավել բարձրացման հիմքերի կատարելագործման նպատակով, օգտագործելով համագործակցության, մասնագիտական կարողությունների զարգացման, վերլուծության, ներկայացուցչականության և երկխոսության մեխանիզմներն, ապահովում և ամրապնդում է բանկերի, պետական կառավարման մարմինների, մասնավոր հատվածի և հանրության միջև փոխըմբռնման և վստահության վրա հիմնված հարաբերությունները:


Սույն հաշվետվությամբ ներկայացվում է ինչպես 2025թ. ընթացքում Հայաստանի բանկերի միության գործունեությունն ու գրանցած հիմնական արդյունքներն, այնպես էլ բանկային համակարգի գործունեության ֆինանսական արդյունքների վերաբերյալ ամփոփ տեղեկատվություն ու հաշվետու տարվա առանցքային իրադարձությունները:

Մասնավորապես՝ ըստ հիմնական բաժինների անդրադարձ է կատարվում հետևյալ թեմաներին՝

- 1** ՀՀ բանկերի շահերի պաշտպանության ու բանկային համակարգի կայուն զարգացման ուղղությամբ ընթացիկ օրենսդրական ու կանոնակարգային խնդիրների լուծումների ապահովում:
- 2** Համագործակցության շարունակական խորացում և ընդլայնում ՀՀ պետական կառավարման համակարգի, քաղաքացիական հասարակության, միջազգային ու մասնավոր հատվածի հետ:
- 3** Բանկային համակարգում ենթակառուցվածքային ու զարգացման ծրագրերի նախաձեռնում, իրականացման աջակցություն:
- 4** Հանրային կապերի միջոցով ՀՀ բանկային համակարգի բարի համբավի և ինստիտուցիոնալ դիրքի բարձր նշաճողի ընդհանրական ապահովում ու բարձրացում:
- 5** Բանկային համակարգին առնչվող խնդիրներին լուծումներ առաջարկելու նպատակով պրոֆեսիոնալ իրագործման հիմքի ապահովում՝ հետազոտությունների ու մեթոդաբանությունների մշակման և միջազգային փորձի ուսումնասիրությունների միջոցով:
- 6** Բանկային համակարգի մասնագիտական կարողությունների շարունակական զարգացմանը նպաստում:
- 7** ՀՀ բանկային համակարգը թվերով:

Հաջորդիվ առավել մանրամասն կարող եք ծանոթանալ ՀԲՄ գործունեության 2025թ. արդյունքներին, ինչը մեր թիմի համատեղ և միասնական աշխատանքի արդյունքն է:

# ՀԲՄ կառուցվածքը



## ՀԲՄ անդամ բանկեր



# 1

**2025թ. Հայաստանի բանկերի միության  
կողմից կատարված աշխատանքներ**

**Հայաստանի բանկերի միության խորհրդի կողմից առաջադրված ռազմավարական խնդիրների շրջանակում 2025թ. Հայաստանի բանկերի միությունն իր գործունեությունը ծավալել է հետևյալ հիմնական ուղղություններով՝**

**ՀՀ բանկերի շահերի պաշտպանության ու բանկային համակարգի կայուն զարգացման ուղղությամբ ընթացիկ օրենսդրական ու կանոնակարգային խնդիրների լուծումների ապահովում:**

- Տարվա ընթացքում ՀԲՄ-ում քննարկվել են **շուրջ 70 օրենսդրական նախագծեր, այդ թվում՝ շուրջ 10 ԿԲ կանոնակարգային** և կարգավորման ենթակա համակարգային հարցեր:
- ՀԲՄ-ի կողմից կազմակերպվել են **ավելի քան 60 աշխատանքային հանդիպումներ՝** արդյունքում ձևավորվել են միասնական դիրքորոշումներ, որոնք ներկայացվել են համապատասխան մարմիններին:
- Բանկերի կողմից բարձրացված խնդրահարույց հարցերի վերաբերյալ **ավելի քան 50 գրություններ են ուղղվել 20-ից ավելի տարբեր գերատեսչությունների:**
  - Ձևակերպվել, ամփոփվել, պատրաստվել և ուղարկվել են մի շարք գրություններ օրենսդիր և գործադիր մարմիններին, պետական և մասնավոր կազմակերպություններին, որոնցում շոշափվել են բանկերին առնչվող զանազան հարցեր, բարձրացվել անհետաձգելի լուծում պահանջող շատ խնդիրներ, մասնավորապես՝
    - Անհուսալի վարկեր ունեցող անձանց տնտեսական ակտիվության խթանման ծրագիր,
    - Պետական աջակցության ծրագրեր,
      - ✓ Գյուղատնտեսության ոլորտի ծրագրեր,
      - ✓ Տարածքային զարգացման ծրագրեր,
      - ✓ Սոցիալական աջակցության ծրագրեր,
      - ✓ Բիզնես աջակցության ծրագրեր
- Հարկային վարչարարության ոլորտի օրենսդրական նախաձեռնություններ,
- Կապիտալի շուկայի օրենսդրական և կարգավորման հարցեր,
- Միասնական հաշվետվողականության ստանդարտի (CRS) ներդրում,
- ՀՀ ԿԲ կարգավորման դաշտ,
- Սոցիալական ապահովության ոլորտի իրավակարգավորող դաշտ,
- Կառուցապատման ոլորտի խնդիրների դաշտ

**Համագործակցություն ՀՀ Կառավարության և այլ պետական մարմինների հետ՝ բանկային և տնտեսական ոլորտների զարգացմանն օժանդակող օրենսդրական և ենթաօրենսդրական դաշտի ձևավորման գործում, ինչպես նաև բանկերի գործունեությանն առնչվող հիմնախնդիրների լուծման և ոլորտի զարգացմանը նպաստող ծրագրերի մշակման և իրագործման գործում:**

Պետական գերատեսչությունների շրջանակներում նոր, խնդրահարույց կամ խթանող օրենսդրական նախաձեռնությունների քննարկմանը մասնակցություն, խնդրահարույց կարգավորումների կանխում և օրենսդրական բարեփոխումների առաջարկությունների ներկայացում:

Կառավարության հետ բազմիցս քննարկվել են պետական աջակցության ծրագրերին մասնակցության ընթացակարգերի բարդությունների հետ կապված խնդիրները:

**Ազգային ժողովի Տնտեսական հարցերի մշտական հանձնաժողովի և Ֆինանսավարկային և բյուջետային հարցերի մշտական հանձնաժողովի հետ պարբերական քննարկումներ:**

**Համագործակցություն ՀՀ Արդարադատության նախարարության հետ՝ բանկերին հուզող խնդիրների, մասնավորապես՝ դատական գործընթացների ձգձգման և դատական գործընթացների միջոցով իրավական բացերով ու այլ խնդիրներով պայմանավորված՝ սուբյեկտիվ ելքերի հետ կապված խնդիրներ, սնանկության կարգավորման ու վարչարարության խնդիրներ, Հարկադիր կատարումն ապահովող ծառայությանն առնչվող խնդիրներ:**

## **Օրենսդրական նախաձեռնություն**

Հայաստանի բանկերի միությունը, հաշվի առնելով իրավակիրառ պրակտիկայում առկա լուրջ խնդիրները, հանդես է եկել օրենսդրական փոփոխության նախաձեռնության առաջարկով, որը հասցեագրված էր ՀՀ արդարադատության նախարարությանը: Նախաձեռնության հիմնական նպատակն էր կարգավորել այն իրավական բացերը, որոնք հնարավորություն են տալիս պարտապաններին չարաշահել դատավարական իրավունքները և հարկադիր կատարման փուլում ձգձգել արդեն իսկ օրինական ուժի մեջ մտած վճիռների կատարումը:

Մասնավորապես՝ ներկայացվել էր ՀՀ վարչական դատավարության օրենսգրքում լրացումներ կատարելու նախագիծ՝ նախատեսելով հարկադիր կատարողական գործողությունների և դրանց նկատմամբ ներկայացվող բողոքների քննության համար սեղմ ժամկետների սահմանում: Միությունը ներկայացրել էր նաև հիմնավորող փաստաթղթեր և միջազգային փորձի ուսումնասիրության արդյունքներ՝ փաստարկելով, որ առաջարկվող լուծումները կնվազեցնեն չարաշահումների ռիսկերը և կապահովեն արդար դատաքննության ողջամիտ ժամկետների պահպանումը:

**Համագործակցություն միջազգային կազմակերպությունների հետ՝  
ՀՀ բանկային համակարգի գործունեության զարգացմանը նպաստող,  
առկա խնդիրները կարգավորող օրենսդրական բարեփոխումների  
մշակման և ներդրման նպատակով:**

Կանաչ ֆինանսների ուղղությամբ ՀՀ կենտրոնական բանկի, Միավորված ազգերի կազմակերպության, Համաշխարհային բանկի և այլ կազմակերպությունների հետ համագործակցություն, իրավական բարեփոխումների մշակման աշխատանքներին մասնակցություն, համատեղ սեմինարների կազմակերպում:

Հայաստանի Հանրապետությունում ներկայացված միջազգային կառույցների հետ աշխատաժողովի կազմակերպում՝ վերհանելու ֆինանսաբանկային ոլորտում առկա խնդիրները և գտնելու հնարավոր լուծումները:

**Բանկային համակարգի ինքնակարգավորման նախաձեռնություն**

ՀԲՄ հովանու ներքո բոլոր առևտրային բանկերը ստորագրել են համաձայնություն ՀԿՀՀ-ն վճարման հանձնարարականներում, արդյունքում նաև բանկային քաղվածքներում արտացոլելու գործընթացին միանալու վերաբերյալ:

Միասնական գործընթացը մեկնարկել է 2026թ. մարտի 31-ին:


# Համագործակցության շարունակական խորացում և ընդլայնում՝ ՀՀ պետական կառավարման համակարգի, քաղաքացիական հասարակության, միջազգային ու մասնավոր հատվածի հետ

ՀԲՄ-ն հաշվետու տարում հետևողականորեն զարգացրել է փոխգործակցությունը պետական մարմինների, միջազգային գործընկերների, մասնավոր հատվածի և կրթական հաստատությունների հետ՝ ստեղծելով արդյունավետ հարթակ երկխոսության, փորձի փոխանակման և երկարաժամկետ գործընկերության համար:

## Պետական կառավարման մարմինների հետ համագործակցություն

### ՀՀ Նախագահ

ՀԲՄ-ն ապահովել է կանոնավոր հաղորդակցություն և ներկայացրել բանկային համակարգին վերաբերող խնդիրները՝ նպաստելով պետության բարձրագույն մակարդակով ֆինանսական ոլորտի առաջնահերթությունների ճանաչմանը:



### Կառավարություն

Պարբերական հանդիպումների շրջանակում ՀԲՄ-ն ներկայացրել է բանկային համակարգի ընթացիկ իրավիճակը և բարձրացրել ոլորտին առնչվող հիմնական մարտահրավերները: Միությունը ակտիվորեն ներգրավվել է **ապրիլի 18-ին և նոյեմբերի 30-ին կայացած «Երկխոսությունից գործողություն. գործարար միջավայրի բարելավումը քաղաքականությունների և դրանց իրականացման միջոցով»** խորագրով հանրային և մասնավոր հատվածների համատեղ աշխատաժողովների աշխատանքներին՝ մանրամասն ներկայացնելով բանկային համակարգի առջև ծառայած խնդիրները և առաջարկվող լուծումները՝ դատաիրավական և վարչաիրավական բարեփոխումների համատեքստում:

## **ՀՀ Կենտրոնական բանկ**

ՀԲՄ-ն պահպանել է կառուցողական երկխոսությունն ԿԲ-ի հետ, ապահովելով միասնական մոտեցումներ բանկային համակարգի կայունության, կանոնակարգային գործընթացների և ֆինանսական համակարգի զարգացման համար:



## **Ֆինանսների նախարարություն**

ՀԲՄ-ն ակտիվորեն համագործակցել է հարկային քաղաքականությունների մշակման և վարչարարության բարելավման ուղղությամբ՝ կենտրոնանալով հարկային թափանցիկության բարձրացման և ոլորտային մարտահրավերների արդյունավետ կարգավորման վրա: Միությունը նպաստել է միասնական մոտեցումների ձևավորմանը և բանկային ոլորտի շահերի համակարգված ներկայացմանը՝ ապահովելով հարկային քաղաքականության արդյունավետություն և կայունություն:

## **Էկոնոմիկայի նախարարություն**

ՀԲՄ-ն ակտիվորեն ներգրավված է եղել տնտեսական քաղաքականության մշակման, պետական աջակցության ծրագրերի և կառուցապատման ոլորտի բարեփոխումների գործընթացներում:

Միությունը նախաձեռնել և կազմակերպել է աշխատանքային հանդիպումներ Էկոնոմիկայի նախարարության և Հայաստանի բանկերի միջև՝ ապահովելով տեղեկատվության փոխանակման արդյունավետ հարթակ, նպաստելով համակարգված մոտեցումների կիրառմանը և բանկային համակարգի ու շուկայի ներդաշնակ զարգացմանը:

## **ՀՀ աշխատանքի և սոցիալական հարցերի նախարարություն**

ՀԲՄ-ն շարունակել է կառուցողական և նպատակային համագործակցությունը ՀՀ Աշխատանքի և սոցիալական հարցերի նախարարության հետ՝ ուղղված սոցիալական ծրագրերի արդյունավետ իրականացմանն ու ֆինանսական գործընթացների կարգավորմանը:

Հիմնական ուղղությունները ներառել են՝

- ✓ ՀԲՄ-ն շարունակել է կառուցողական և նպատակային համագործակցությունը ՀՀ Աշխատանքի և սոցիալական հարցերի նախարարության հետ՝ ուղղված սոցիալական ծրագրերի արդյունավետ իրականացմանն ու ֆինանսական գործընթացների կարգավորմանը:
- ✓ Կենսաթոշակային և հետվճարային ծրագրեր:
- ✓ Բնակարանային ապահովության պետական աջակցության ծրագրեր-Միությունը աջակցել է ԼՂ-ից բռնի տեղահանված ընտանիքների, սահմանամերձ բնակավայրերի և երեխաներ ունեցող ընտանիքների բնակարանային ծրագրերի իրականացման գործընթացին՝ ապահովելով բանկերի ներգրավվածությունը և ծրագրերի արդյունավետ իրականացումը:

## **Ֆինանսական զեղծարարություններից տուժած քաղաքացիների հարցերի ուսումնասիրության և լուծումների ապահովման ուղղությամբ իրականացված աշխատանքներ:**

Տարվա ընթացքում ՀԲՄ-ն հետևողական և համակարգված աշխատանք է իրականացրել ֆինանսական զեղծարարությունների հետևանքով տուժած քաղաքացիների խնդիրների ուսումնասիրության, ոլորտային ռիսկերի նվազեցման և բանկերի կողմից կիրառվող մեխանիզմների կատարելագործման ուղղությամբ:

ՀՀ ԱԺ հանձնաժողովների, պետական մարմինների և առևտրային բանկերի հետ իրականացվել է շարունակական համագործակցություն՝ ուղղված ինչպես յուրաքանչյուր անհատական դեպքի գնահատմանը, այնպես էլ համակարգային լուծումների ձևավորմանը: Բանկերին են փոխանցվել տուժած քաղաքացիների դիմումները, ստացվել են անհրաժեշտ պարզաբանումներ և գնահատվել են հնարավոր լուծումների տարբերակները:

Ակտիվ համագործակցություն միջազգային կառույցների հետ, մասնակցություն վերջիններիս շրջանակներում իրականացվող աշխատանքներին, այդ թվում՝ ՀԲՄ անդամ բանկերի համար հետաքրքրություն ներկայացնող տեղեկատվության ստացում և տրամադրում, ՀՀ բանկերի ղեկավարների մասնակցության կազմակերպում միջազգային կառույցների կողմից կազմակերպվող քննարկումներին, սեմինարներին, կոնֆերանսներին և ուսուցողական ծրագրերին:

ՀԲՄ-ն հաշվետու տարում հետևողականորեն զարգացրել է փոխգործակցությունը պետական մարմինների, միջազգային գործընկերների, մասնավոր հատվածի և կրթական հաստատությունների հետ՝ ստեղծելով արդյունավետ հարթակ երկխոսության, փորձի փոխանակման և երկարաժամկետ գործընկերության համար:

• **BACEE (Կենտրոնական և Արևելյան Եվրոպայի Բանկային Ասոցիացիա)**

Վիեննայում կայացած 50-րդ միջազգային բանկային համաժողովի շրջանակներում BACEE-ի և ՀԲՄ-ի միջև ստորագրվել է փոխըմբռնման հուշագիր՝ տեղեկատվության և փորձի փոխանակում խթանելու, տարածաշրջանային ֆինանսական կայունություն ապահովելու և շուկայի զարգացմանն աջակցելու նպատակով: ՀԲՄ նախագահ Դանիել Ազատյանը պարգևատրվել է BACEE-ի կողմից միջազգային բանկային համագործակցության զարգացման ներդրման համար: Պարգևը հանձնել են BACEE-ի նախագահ Շանդոր Պատյին և գլխավոր քարտուղար Իշտվան Լենգյելը՝ ապրիլի 10-ին Բուդապեշտում կայացած BACEE 49-րդ միջազգային բանկային կոնֆերանսի շրջանակներում:



**• Հունաստանի բանկերի ասոցիացիա**

Երևանում կայացած միջազգային ֆորումի ընթացքում ստորագրված փոխըմբռնման հուշագիրը նպատակ ունի խորացնել երկկողմ համագործակցությունը՝ փորձի փոխանակում, կրթական և վերապատրաստման ծրագրերի համատեղ իրականացում, ինչպես նաև համատեղ նախաձեռնությունների ձևավորում կայուն ֆինանսական համակարգի աջակցման համար:



**• Լյուքսեմբուրգի բանկային ասոցիացիա**

ՀԲՄ-ն նախաձեռնել է համագործակցություն Լյուքսեմբուրգի բանկային ասոցիացիայի հետ՝ փորձի փոխանակման, միջազգային փորձառության ներմուծման և համատեղ կրթական ու մասնագիտական ծրագրերի իրականացման նպատակով:

**• Վրաստանի բանկային ասոցիացիա**

ՀԲՄ-ն շարունակել է սերտ համագործակցությունը Վրաստանի բանկային ասոցիացիայի հետ՝ նպաստելով տարածաշրջանային փորձի փոխանակմանը, և երկկողմ հարաբերությունների ամրապնդմանը:

Երկու կառույցները պարբերական կտրվածքով փոխանակվում են վերլուծական տվյալներով և հաշվետվություններով, որոնք վերաբերում են երկու երկրների բանկային համակարգերին, ներառյալ շուկաների համեմատական վերլուծությունը և ընթացիկ ֆինանսական ցուցանիշների գնահատումը:

## Բանկային համակարգում ենթակառուցվածքային ու զարգացման ծրագրերի նախաձեռնում, իրականացմանն աջակցություն:

Հաշվետու տարում ՀԲՄ-ը շարունակական աշխատանք է տարել նաև գործող բանկային ենթակառուցվածքների արդյունավետության բարձրացման և համագործակցության ընդլայնման ուղղությամբ՝ գործընկերային ձևաչափով աշխատելով հետևյալ կառույցների հետ.

### • ԱրՔա վճարային համակարգ

- ✓ Աջակցություն QR վճարումների համակարգի ձևավորմանն ու զարգացմանը:
- ✓ Մասնակցություն միասնական սակագնային քաղաքականության մշակման գործընթացներին:
- ✓ Անկանխիկ գործարքներից տրամադրվող հետվճարների մեխանիզմների քննարկումների համակարգում:
- ✓ Ներգրավվածություն ԱրՔա վճարային համակարգի կառավարման և ռազմավարական օրակարգի քննարկումներին
- ✓ Բանկերի համախմբված դիրքորոշումների ներկայացում ԱրՔա խորհրդի նիստերին:
- ✓ Թիրախավորված աշխատանքային հանդիպումների և ոլորտային քննարկումների կազմակերպում՝ բանկերի դիրքորոշումների համակարգման նպատակով:

### • ԱԲՌԱ Քրեդիտ Ռեփորթինգ

- ✓ Ներգրավվածություն ԱԲՌԱ-ի կառավարման մարմնի գործունեությանը վերաբերող հարցերի քննարկմանը և դիրքորոշումների ձևավորման գործընթացներում:
- ✓ Թիրախավորված աշխատանքային քննարկումների կազմակերպում՝ առանձին բանկերի կողմից բարձրացված համակարգային և գործառնական հարցերի շուրջ:

### • Ավանդների հատուցումը երաշխավորող հիմնադրամ

- ✓ Հիմնադրամի հոգաբարձուների խորհրդի նիստերի աշխատանքներում ՀԲՄ-ն մշտապես ներկայացրել է բանկերի կուլեկտիվ շահերը՝ համակարգելով նրանց մասնակցությունը:
- ✓ Միությունը մասնակցություն է ունեցել Հիմնադրամի գործընթացների արդյունավետության բարձրացմանն ու կարողությունների զարգացմանն ուղղված նախաձեռնությունների մշակմանը:

- ✓ Բանկերի վերակառուցման նոր կարգավորումների և գործընթացների մշակման շրջանակում ՅԲՄ-ն ձեռնարկել է համապատասխան քայլեր՝ ապահովելու Ավանդների հատուցումը երաշխավորող հիմնադրամի գործառույթների և դերակատարության դիտարկումը համակարգային մոտեցման ձևավորման համատեքստում:

• **Ֆինանսական համակարգի հաշտարարի գրասենյակ**

- ✓ Մասնակցելով գրասենյակի կառավարման մարմնում ընթացող աշխատանքներին՝ ՅԲՄ-ն ապահովել է բանկերի շահերի միասնական ներկայացումը:
- ✓ Միությունը մասնակցել է խնդիրների քննարկմանը, ինչպես նաև համակարգել առանձին բանկերի կողմից բարձրացվող հարցերը՝ նպաստելով դրանց արդյունավետ և համակարգված լուծումների ներկայացմանը:

• **Տեղեկատվական անվտանգության/կիբերանվտանգության ոլորտի ծրագրեր**

- ✓ Աշխատանքային քննարկումներ, սեմինարներ ՀՀ առևտրային բանկերի, ՀՀ կենտրոնական բանկի և Հայաստանի տեղեկատվական համակարգերի գործակալության կիբերանվտանգության մասնագետների մասնակցությամբ՝ տեղեկատվական անվտանգության ոլորտում վեր հանված հիմնախնդիրները խորը մասնագիտական մակարդակում քննարկելու և հնարավոր լուծումներ գտնելու նպատակով:
- ✓ Ակտիվ ներգրավվածություն կիբերգորավարժությունների կազմակերպման և իրականացման գործընթացներում:
- ✓ Միությունը մասնակցել է «Տեղեկատվական համակարգերի կարգավորման մարմնի», «Հանրային տեղեկությունների» և «Կիբերանվտանգության» վերաբերյալ օրենսդրական նախագծերի քննարկումներին՝ ներկայացնելով բանկերի դիտարկումները և առաջարկությունները:

Հանրային կապերի միջոցով ՀՀ բանկային համակարգի բարի համբավի և ինստիտուցիոնալ դիրքի բարձր նշաձողի ընդհանրական ապահովումն ու բարձրացումը:

Հաշվետու ժամանակահատվածում ՀԲՄ հանրային կապերի մասով գործունեությունն ուղղված է եղել բանկային համակարգի ինստիտուցիոնալ դիրքի և բարի համբավի ամրապնդմանը, ինչպես նաև համակարգի նկատմամբ հանրային վստահության բարձրացմանը:

Նպատակային հանրային հաղորդակցության, տեղական և միջազգային գործընկերային հարթակներում ակտիվ ներգրավվածության արդյունքում՝ բանկային համակարգը դիրքավորվել է որպես կայուն, նորարարական և սոցիալապես պատասխանատու համակարգ:

Ստորև ներկայացվում են նշված առաջնահերթության շրջանակում իրականացված հիմնական նախաձեռնություններն ու միջոցառումները:

«Բանկային համակարգի ապագան. նորարարությունների կայուն զարգացում և հեռանկարներ» խորագրի ներքո ընթացող ամենամյա միջազգային ֆորում



2025թ.-ին ֆորումն անցկացվեց սեպտեմբերի 23-24-ը, ՀԲՄ 30-ամյակին նվիրված միջոցառումների շրջանակում: Այս տարվա ֆորումը բացառիկ էր ոչ միայն մասնակիցների թվով, այլև քննարկվող թեմաների լայն շրջանակով:

Իրենց ներկայությամբ ֆորումը պատվել են մեր միջազգային գործընկերները, մասնավորապես ԱՄՆ-ից, Մեծ Բրիտանիայից, Ավստրիայից, Գերմանիայից, Լյուքսեմբուրգից, Արաբական Միացյալ Էմիրություններից, Լեհաստանից, Հունաստանից և Վրաստանից:



ՀԲՄ նախաձեռնությամբ կայացած Բանկային երկօրյա ֆորումի շրջանակում կայացել է Հայաստանի Բանկերի Միության 30-ամյա հոբելյանին նվիրված հանդիսավոր երեկոն և «Միասնություն, որ ստեղծում է արժեքներ» փաստավավերագրական ֆիլմի պրեմիերան:



## | ՀԲՄ մարզային համաժողովներ

### Ապրիլի 2, 2025 - Արագածոտնի մարզ

«ՓՄՁ ոլորտի ֆինանսավորման հնարավորություններն ու հեռանկարները» թեմայով համաժողովի նպատակն էր ներկայացնել ՀՀ բանկերի սեփական ռեսուրսներով և տարբեր միջազգային ծրագրերով իրականացված ՓՄՁ վարկավորման ծրագրերը և դրանց արդյունավետությունը, ինչպես նաև ֆինանսական հասանելիության ընդլայնման հնարավորությունները՝ թվայնացման և տեխնոլոգիական նորարարությունների միջոցով:



## Յուլի 31, 2025 - Սյունիքի մարզ

«Սյունիքի մարզում բիզնեսի և բանկային համակարգի համագործակցության հնարավորությունները և հեռանկարները» թեմայով համաժողովի նպատակն էր քննարկել մարզի բիզնես միջավայրի առանձնահատկությունները և հնարավորությունները, ինչպես նաև պետական աջակցության ծրագրերի դերը ՓՄՁ զարգացման գործում: Համաժողովի մեկնարկել է «Բանկերը մեկ տեղում» էքսպոյով, որտեղ մարզի բնակիչներն ու ձեռնարկատերերը հնարավորություն են ունեցել անմիջապես շփվելու բանկերի ներկայացուցիչների հետ՝ քննարկելու համագործակցության նոր ուղղություններն ու նախաձեռնությունները:



- **Բանկային համակարգի աջակցության շնորհիվ հաջողության հասած բիզնեսների հաջողության պատմությունների պատրաստում և հանրայնացում**

Մարզային համաժողովներին ընդառաջ ՀԲՄ կողմից նկարահանվել են տեսաֆիլմեր՝ նվիրված տվյալ մարզում բիզնես վարկավորման հաջողված պատմություններին:



• «Հայկական բանկային օրեր Վիեննայում»

Հայաստանի բանկերի միության նախաձեռնությամբ Ավստրիայի մայրաքաղաք Վիեննայում «Raiffeisen International» բանկային կորպորացիան առաջին անգամ անցկացրել է «Հայկական բանկային օրեր» խորագիրը կրող միջոցառումը՝ նվիրված Հայաստանի և Եվրոպայի ֆինանսական ոլորտների համագործակցության խորացմանը:



• Եռակողմ հուշագիր՝ Լոռու մարզում 100 հա նոր անտառ հիմնելու նպատակով ԶԶ կենտրոնական բանկը, Հայաստանի բանկերի միությունը և «Իմ անտառ Հայաստան» ՀԿ-ն ստորագրեցին եռակողմ հուշագիր՝ 3 տարվա ընթացքում Լոռու մարզի Փամբակ համայնքում հիմնելու 100 հա նոր անտառ, որտեղ կտնկվի 300,000 տեղական անտառային տեսակի ծառ:



- Մասնակցություն Երևանում հյուրընկալված Սևծովյան Առևտրի և Հարգացման Բանկի (BSTDB) Կառավարիչների խորհրդի 27-րդ տարեկան նիստի շրջանակներում կայացած «Հայաստան. խթանելով տարածաշրջանային հաջողությունը» խորագրով գործարար համաժողովին:

ՀԲՄ նախագահ Դանիել Ազատյանի մասնակցությամբ կայացած «Գործընկերություն Սևծովյան առևտրի և զարգացման բանկի հետ. տեսակետներ և փորձառություն» թեմայով քննարկումն ուղղված էր ՍԱՀԲ հետ համագործակցող պետական և մասնավոր հատվածների փորձի և տեսակետների փոխանակմանը:



- Հայաստանի բանկերի միության և Միջազգային ֆինանսական կորպորացիայի (IFC) համագործակցության շրջանակում տեղի ունեցավ «Banking on Nature in Armenia» խորագրով մասնագիտացված աշխատաժողովը՝ ՀՀ առևտրային բանկերի, ոլորտի փորձագետների և միջազգային գործընկերների մասնակցությամբ:

Աշխատաժողովի նպատակն էր խթանել ֆինանսական համակարգի դերակատարումը կենսաբազմազանության պահպանման գործում՝ զարգացնելով մասնակիցների մասնագիտական կարողությունները ոլորտի նորագույն մոտեցումների վերաբերյալ:

Միջոցառման ընթացքում ներկայացվեցին նաև ներդրումային նոր հնարավորություններ և ֆինանսական նորարարական գործիքներ, որոնք միտված են բնության վրա դրական ազդեցություն ունեցող նախագծերի ֆինանսավորմանը:



• **Աջակցության ծրագրեր**

**Ֆիզմաթ դպրոց.** Աջակցություն աշակերտներին և մասնագետներին, ովքեր մասնակցում են միջազգային օլիմպիադաներին և կրթական մրցույթներին՝ նպաստելով համակարգային և մրցունակ մարդկային կապիտալի ձևավորմանը և Հայաստանի միջազգային ներկայության ամրապնդմանը:



- ✓ Աջակցություն ԵՊՀ-ին՝ «Փոխակերպվող տնտեսություն. մարդկային կապիտալի զարգացում, ստեղծարար նորարարական տնտեսություն, կայուն ներառական աճ» խորագրով երկրորդ միջազգային գիտաժողովի կազմակերպման նպատակով:



- ✓ Հայաստանի շախմատի ակադեմիայի հետ համատեղ անցկացվել է շախմատի մրցաշար Ֆինանսաբանկային կազմակերպությունների միջև:
- ✓ Աջակցություն ԵՊՀ-ին՝ «Փոխակերպվող տնտեսություն. մարդկային կապիտալի զարգացում, ստեղծարար նորարարական տնտեսություն, կայուն ներառական աճ» խորագրով երկրորդ միջազգային գիտաժողովի կազմակերպման նպատակով:

Տարեսկզբին և առաջին կիսամյակի ավարտին կազմակերպվել են մամուլ ասուլիսներ: Ներկայացվել են համապատասխանաբար ՀՀ բանկային համակարգի գործունեության 2024թ. ամփոփ և 2025թ. առաջին կիսամյակի արդյունքներն ու ընթացիկ ցուցանիշները:



**Regional Post - Caucasus** ամսագրին տված հարցազրույցում ՀՀ Մ Նախագահին անդրադարձել է բանկային համակարգի կայացման ու զարգացման, թվային տրանսֆորմացիաների, միջազգային ֆինանսական ասպարեզում հայկական բանկերի աճող դերակատարության, ինչպես նաև ՀՀ գործունեության մասին:



Հարցազրույցը EconoMIX հաղորդմանը՝ Հայաստանի բանկային համակարգի զարգացման փուլերի, ներկա վիճակի և ապագայի միտումների վերաբերյալ:

**Բանկային համակարգին առնչվող խնդիրներին լուծումներ ապահովելու պրոֆեսիոնալ իրազորման հիմքի ապահովում՝ հետազոտությունների ու մեթոդաբանությունների մշակման և միջազգային փորձի ուսումնասիրությունների միջոցով:**

ՀԲՄ հետազոտական գործունեության առանցքն է հանդիսանալ պրոֆեսիոնալ վերլուծական հարթակ՝ ՀՀ բանկային համակարգի առաջ ծառայած հիմնախնդիրների բազմակողմանի ուսումնասիրման, դրանց պատճառահետևանքային կապերի բացահայտման և իրատեսական քաղաքականությունների ու գործնական լուծումների ձևակերպման համար:

ՀԲՄ կողմից ՀՀ բանկային համակարգին վերաբերող հետազոտությունները տարվում են ՀԲՄ խորհրդի կողմից առաջադրվող ընթացիկ գործնական համակարգային խնդիրների պարզաբանման ու լուծման առաջարկությունների մշակման շուրջ:

Հետազոտությունների թեմաները վերաբերել են՝

- ✓ տնտեսության զարգացման մեջ բանկային համակարգի դերին, որոնք պարբերաբար ներկայացվել են ՀԲՄ նախագահի կողմից տարբեր պանելային քննարկումներում, հարցազրույցներում, ինչպես նաև ՀՀ կառավարության և Ազգային ժողովի պատգամավորների հետ ունեցած հանդիպումների ընթացքում:
- ✓ պետություն-բանկային համակարգ համագործակցության շրջանակներում առևտրային բանկերի ունեցած մասնակցությանը, որի ամփոփ տվյալները պարբերաբար հրապարակվել են ՀԲՄ կայքէջում և ներկայացվել պետական գերատեսչությունների հետ հանդիպումների ընթացքում:
- ✓ ֆինանսական համակարգի կանոնակարգման ազդեցությունների վերհանմանը, որոնք ձևակերպվել են որպես առաջարկների փաթեթ և ներկայացվել ՀՀ կենտրոնական բանկին:
- ✓ հարկային վարչարարության ոլորտում նախատեսվող փոփոխությունների ազդեցություններին, որոնք տրամադրվել են համապատասխան պետական գերատեսչություններին՝ ոլորտային քաղաքականությունների մշակման և ներդրման համար:
- ✓ Հայաստանի և Վրաստանի բանկային համակարգերի համեմատական վերլուծության, որը պարբերաբար հրապարակվել է ՀԲՄ կայքէջում:
- ✓ Բանկային վիճակագրական ցուցանիշների հաշվետվությունների մշակման, եռամսյակային վերլուծությունների իրականացման աշխատանքներ: Եռամսյակային պարբերականությամբ հրապարակվել է «Բանկային համակարգը թվերով» վիճակագրական պրոդուկտը:

• **Կայուն ֆինանսների և «կանաչ» ֆինանսավորման խթանման հիմքերի ձևավորում**

Հաշվետու տարվա ընթացքում Հայաստանի բանկերի միությունը ՀՀ կենտրոնական բանկի և միջազգային դոնոր կազմակերպությունների հետ համատեղ կազմակերպել է սեմինարներ և աշխատանքային քննարկումներ, որոնց ընթացքում անդրադարձ է կատարվել ESG սկզբունքների ներդրման և կայուն ֆինանսավորման լավագույն միջազգային փորձին: Բանկային ֆորումի շրջանակում առանձնակի շեշտադրվել է ESG մոտեցումների կիրառման կարևորությունը և հաստատվել է սերտ համագործակցություն ՀՀ բանկերի և միջազգային գործընկերների միջև այս թեմաների շուրջ:

Նախատեսվում է, որ 2026թ. ընթացքում ՀԲՄ-ն կմեկնարկի **ESG HUB**-ի ստեղծման գործընթացը, որը կհանդիսանա մշտական հարթակ փորձի փոխանակման, գիտելիքների կենտրոնացման և կայուն ֆինանսավորման գործիքների ներդրման խթանման համար: Այդ համատեքստում նախատեսվում է շարունակել անդամ բանկերի մասնագիտական կարողությունների զարգացումը, համապատասխան քաղաքականության և ստանդարտների մշակումը, ինչպես նաև համագործակցությունը պետական և միջազգային կառույցների հետ՝ ֆինանսական շուկայի թափանցիկության և հաշվետվողականության ապահովման նպատակով:



## **B** ԲԱՆԿԵՐԻ ՄԻՈՒԹՅԱՆ ՈՒՍՈՒՄՆԱԿԱՆ ԿԵՆՏՐՈՆ

Հայաստանի բանկերի միության Ուսումնական կենտրոնը իր առաքելության շրջանակներում 2025թ-ին իրականացրել է շարք ծրագրեր՝ ուղղված ֆինանսաբանկային աշխատակիցների մասնագիտական զարգացմանը:

Առանձնակի շեշտադրությամբ հարկ է նշել, որ հաշվետու տարվա ընթացքում Կենտրոնի կողմից արձանագրվել են ձեռքբերումներ, ընդլայնվել է համագործակցող գործընկերների ցանկը, որոնց հետ համատեղ իրականացվել են ֆինանսաբանկային աշխատակիցների մասնագիտական աճին խթանող մի շարք ծրագրեր:

Ավելի քան 15 դասընթաց առաջին անգամ հավատարմագրվել է Հայաստանի աուդիտորների և փորձագետ հաշվապահների պալատի կողմից՝ որպես Շարունակական մասնագիտական զարգացման (ՇՄԶ) դասընթացներ:

Տարվա ընթացքում կազմակերպվել են վարպետաց դասեր բացառապես ղեկավարների համար միջազգային գործընկեր-կառույցների ներգրավմամբ հետևյալ ուղղություններով՝

- ✓ Բլոկչեյն և թվային ակտիվներ:
- ✓ Արբիտրաժը ֆինանսական վեճերի լուծման գործում:
- ✓ ՓԼ/ԱՖ ռիսկերի պատասխանատու կառավարում, պաշտպանության երեք բնագծերի արդյունավետ համագործակցություն-CIPE կազմակերպության ներգրավմամբ: Ծրագրի եզակիությունը պայմանավորվում է նրանով, որ դասընթացների ավարտից հետո մեկ ամսյա ժամկետում մասնակիցներին մատուցվել է խորհրդատվություն՝ անհատական մոտեցմամբ կառույցի խնդիրներին անդրադառնալու և հնարավոր լուծումներ առաջադրելու նպատակով:
- ✓ Ֆինանսական հաստատություններում շահերի բախման նկատմամբ խորհուրդի վերահսկողություն: Ծրագիրը կազմակերպվել է բացառապես խորհրդի անդամների համար՝ ATTF-House of Training կազմակերպության ներգրավմամբ:

Ընդհանուր առմամբ, կազմակերպվել է շուրջ 60 վերապատրաստման դասընթաց, որոնց մասնակցել է ավելի քան 750 մասնակից Հայաստանի բոլոր առևտրային բանկերից, ինչպես նաև շուրջ 45 այլ ֆինանսական և գործընկեր կառույցներից:

Որպես դասընթացավարներ՝ հրավիրվել են Հայաստանի և արտերկրների փորձագետներ, ֆինանսաբանկային ոլորտը ներկայացնող ակնառու ներկայացուցիչներ:

Կազմակերպվել են բանկային համակարգի տարբեր ոլորտներին առնչվող համապարփակ մասնագիտացված դասընթացներ, որոնք ներառել են հետևյալ թեմատիկ ուղղություններն ու ոլորտները՝

Վարկային վերլուծություն, Ռիսկերի կառավարում, Ֆինանսներ և բյուջետավորում, ՓԼ/ԱՖ, Արհեստական բանականություն և թվային տեխնոլոգիաներ, Իրավական հիմնախնդիրներ, Հարկային օրենսդրություն, Գանձապահների ուսուցում, Բիզնես և վաճառքի հմտություններ, բանակցություններ, Առաջնորդության հմտություններ, PR և հեղինակության ամրապնդում, Բլոկչեյն և թվային ակտիվներ, ԱՄՆ պատժամիջոցներ, Սպասարկման ոլորտ, Բողոքների կառավարում, Կիրեն անվտանգություն, Համապատասխանություն, Արժեթղթերի պահառության ծառայություններ և այլն:

ՀԲՄ ուսումնական և որակավորման կենտրոնի կողմից տարվել են նաև ակտիվ աշխատանքներ միջազգային գործընկեր կառույցների հետ՝ վերջիններիս կողմից առաջարկվող կրթական և որակավորման ծրագրերը արտոնյալ պայմաններով ֆինանսաբանկային աշխատակիցներին հասանելի դարձնելու նպատակով.

- ✓ Frankfurt School of Finance and Management
- ✓ ATTF-House of Training
- ✓ OECD-INFE ֆինանսական գրագիտությանն ուղղված ծրագրեր
- ✓ IFC-SBFN-համաժողովներ, վեբինարներ



## Միջազգային հեղինակավոր կառույցների կողմից կազմակերպվող կրթական ծրագրերին հասանելիության ապահովում

- EBTN (European Banking and Financial Services Training Association)



Եվրոպայի առաջատար մասնագիտական կազմակերպության հետ մեր երկարատև, հետևողական և խորքային համագործակցության արդյունքում 2025թ. մարտի 21-ին հաստատվեց «Բանկային գործ» որակավորման ծրագրի հավատարմագրումը: Ծրագրի շրջանակում կազմակերպվել է երկու ամիս տևողությամբ երեք ամբողջական դասընթացներ, որոնց մասնակցել է շուրջ 100 մասնակիցներ՝ ներառյալ ՀՀ բանկային համակարգի և ոչ բանկային ֆինանսական կազմակերպությունների աշխատակիցներ, ինչպես նաև մասնագիտական ու ոչ մասնագիտական ԲՈՒՅ-երի շրջանավարտներ, ովքեր հետաքրքրված են ոլորտում իրենց կարիերայի կառուցմամբ:



2024թ.-ին ՀԲՄ կողմից **EFPA (European Financial Planning Association)**-ի հետ վարած ակտիվ քննարկումների, բանակցությունների և հանդիպումների արդյունքում 2025 թ. ապրիլին 17-ին ստորագրվեց համագործակցության պայմանագիր միջազգային այս հեղինակավոր կառույցի հետ՝ «**EFPA Հայաստան**» ծրագրի ստեղծման և միջազգային որակավորումների Հայաստանում ներկայացնելու վերաբերյալ:



EFPA-ն Եվրոպայում ունի մեծ ճանաչում, ունի ավելի քան 100,000 հավաստագիր կրող և միջազգային այս որակավորումների հասանելիության ապահովումը Հայաստանում շատ կարևոր դեր ունի ֆինանսաբանկային համակարգում նոր չափորոշիչներ ներդնելու համար: EFPA որակավորումները Եվրամիությունից դուրս առաջին անգամ ներկայացվում են միայն Հայաստանում:

Ֆինանսական խորհրդատուների և պլանավորողների համար առաջարկվում են 4 փուլերից բաղկացած ստորև որակավորումները՝

- ✓ **EFPA European Investment Assistant®**
- ✓ **EFPA European Investment Practitioner®**
- ✓ **EFPA European Financial Adviser®**
- EFPA European Financial Planner®**

EFPA ESG Advisor® որակավորումը տալիս է ESG թեմաների մասին համապարփակ պատկերացում և գործնական հմտություններ՝ ներդրումային խորհրդատվության, պորտֆելի կառուցման և հաճախորդների տարբեր պրոդուկտների սպասարկման մեջ շրջակա միջավայրի, սոցիալական պատասխանատվության և կառավարման (ESG) չափանիշների արդյունավետ ներառման համար:

Տարեվերջյան արդյունքներով ծրագրի մասնակից են եղել ֆինանսաբանկային համակարգի ավելի քան 120 մասնագետներ, որոնցից միջազգային հավաստագրեր են ստացել 87-ը:

ՀԲՄ կողմից կողմից շարունակվում են ակտիվ քննարկումներն ու աշխատանքները EFPA Europe-ի գործընկերների հետ՝ 2026թ-ին նոր որակավարումներ ներդնելու և նոր ստանդարտներ սահմանելու ուղղությամբ:

## ՀԲՄ Ուսումնական կենտրոնի ծրագրերին մասնակցած գործընկեր կազմակերպություններ



2

ՀԱՅԱՍՏԱՆԻ  
ԲԱՆԿԱՅԻՆ  
ՀԱՄԱԿԱՐԳԸ  
ԹՎԵՐՈՎ

2025

Բանկային համակարգը՝ հանդիսանալով ֆինանսական համակարգի խոշորագույն հատվածը, 2025թ. հետամուտ է եղել իր ռազմավարական խնդիրների իրագործմանը տարին ամփոփել է կապիտալի իրացվելիության բարձր պաշարներով՝ երաշխավորելով համակարգի դիմակայունությունը հնարավոր ցնցումների նկատմամբ:

Արագ փոփոխվող զարգացումներով անորոշություններով բնութագրվող ներկայիս իրավիճակում բանկային համակարգը շարունակել է կայուն զարգացումը ապահովելով ֆինանսական միջնորդության բնականոն ընթացքը:

Համապատասխան ցուցանիշների վերլուծությունը հերթական անգամ հավաստում է համակարգի կայունությունն ու հուսալիությունը, ինչպես նաև վերջինիս շարունակական զարգացման կատարելագործման տրամաբանությունը: Ըստ այդմ՝ 2025թ. ՀՀ առևտրային 17 բանկերի տարեկան ընդհանուր կապիտալն ավելացել է շուրջ 22.4%-ով՝ կազմելով 2 175 մլրդ ՀՀ դրամ:

Առևտրային բանկերի միջև ծավալվել է առողջ մրցակցություն: 5 ամենախոշոր բանկերի ակտիվները կազմում են բանկային համակարգի ակտիվների 60.5% և ընդհանուր կապիտալի 59%:

Բանկերն էապես դիվերսիֆիկացված են ըստ հաճախորդների սեգմենտների, առանձին մասնագիտացված ուղղությունների, կապիտալի միջազգային ու ներքին պատկանելության:

Բանկային ակտիվների ընդհանուր ծավալը կազմել է ավելի քան 12 տրլն ՀՀ դրամ՝ հատելով ՀՆԱ-ն: Տարվա ընթացքում պահպանվել է բանկային համակարգի վարկային պորտֆելի ավանդների բնականոն աճի դինամիկան:

Տարվա ընթացքում վարկային շուկայում արձանագրվել է ակտիվության աճ, ինչի արդյունքում վարկերի աճի տեմպը տարեվերջին կազմել է շուրջ 23%: Վարկային պորտֆելի աճը հավասարապես պայմանավորվել է տնային տնտեսությունների և բիզնես վարկերի աճով:

2025թ. պարտավորությունների ցուցանիշներում մեծ տեսակարար կշիռ ունեն հաճախորդներից ներգրավված միջոցները, որոնք աճել են 994 մլրդ ՀՀ դրամով և կազմել են 7 458 մլրդ ՀՀ դրամ:


2025թ. բանկային համակարգն ամփոփել է շահութաբերությամբ՝ ապահովելով 421 մլրդ ՀՀ դրամ շահույթ:

# ԲՈՎԱՆԴԱԿՈՒԹՅՈՒՆ



# ՀԻՄՆԱԿԱՆ ՑՈՒՑԱՆԻՇՆԵՐ

Մլրդ. ՀՀ դրամ



Ընդհանուր ակտիվներն 2025թ-ին ավելացել են շուրջ 1 824 մլրդ ՀՀ դրամով կամ 16.6%-ով:

Վարկային պորտֆելն 2025թ-ին ավելացել է շուրջ 1 474 մլրդ դրամով կամ 23.0%-ով:

Ընդհանուր կապիտալն 2025թ-ին ավելացել է շուրջ 398 մլրդ ՀՀ դրամով կամ 22.4%-ով:

# ՎԱՐԿԵՐԻ ԿԱՌՈՒՑՎԱԾՔԸ

31.12.2025թ.

45%

**ՏՆՏԵՍՈՒԹՅԱՆ  
ՏՐՎԱԾ ՎԱՐԿԵՐ**

3 438 մլրդ. ՀՀ դրամ

49%

**ՖԻԶԻԿԱԿԱՆ ԱՆՁԱՆՑ  
ՏՐՎԱԾ ՎԱՐԿԵՐ**

3 731 մլրդ. ՀՀ դրամ

6%


**ԱՅԼ ՖԻՆ.  
ԿԱԶՄԱԿԵՐՊՈՒ-  
ԹՅՈՒՆՆԵՐԻՆ  
ՏՐՎԱԾ ՎԱՐԿԵՐ**

416 մլրդ. ՀՀ դրամ

# ՎԱՐԿԵՐԻ ԿԱՌՈՒՑՎԱԾՔԸ ԸՍՏ ՏՆՏԵՍՈՒԹՅԱՆ ՃՅՈՒՂԵՐԻ


31.12.2025թ.

Մլն. ՀՀ դրամ




\* Տոկոսը (%) ցույց է տալիս մասնաբաժինը ընդհանուր պորտֆելում

## ՎԱՐԿԱՅԻՆ ՊՈՐՏՖԵԼԻ ԿԱՌՈՒՑՎԱԾՔԻ ԴԻՆԱՄԻԿԱՆ 2024Թ.-Ի ՀԱՄԵՄԱՏ




# ԲԱՆԿԵՐԻ ԿՈՂՄԻՑ ՏՐԱՄԱԴՐՎԱԾ ՎԱՐԿԵՐԻ ՏՈԿՈՍԱԴՐՈՒՅՔՆԵՐ

Ֆիզիկական անձանց 1-5 տարի ժամկետով վարկերի տոկոսադրույքներ




Ֆիզիկական անձանց 5 տարուց ավել ժամկետով վարկերի տոկոսադրույքներ



Ֆիզիկական անձանց 1-5 տարի ժամկետով վարկերի տոկոսադրույքը ՀՀ դրամով 2025թ-ի դեկտեմբերին 2024թ-ի դեկտեմբերի համեմատ ավելացել է 0,4%-ով, դոլարով վարկերինը նվազել 0,7%-ով 1,1%-ով:


Ֆիզիկական անձանց 5 տարուց ավելի ժամկետով վարկերի տոկոսադրույքները ՀՀ դրամով 2025թ-ի դեկտեմբերին 2024թ-ի դեկտեմբերի համեմատ ավելացել է 1,2%-ով, դոլարով վարկերինը նվազել է 2,2%-ով:

# ԴՐԱՄՈՎ ԵՎ ԱՐՏԱՐԺՈՒՅԹՈՎ ՎԱՐԿԵՐԻ ՄԱՍՆԱԲԱԺԻՆԸ ԸՆԴՀԱՆՈՒՐ ՎԱՐԿԵՐՈՒՄ



# ՊԱՐՏԱՎՈՐՈՒԹՅՈՒՆՆԵՐ, ԱՎԱՆՂՆԵՐ

Մլրդ. ՀՀ դրամ




Ընդհանուր պարտավորություններն 2025թ-ին ավելացել են շուրջ 1 426 մլրդ. ՀՀ դրամով կամ 15.5%-ով:

Ընդհանուր ավանդներն 2025թ-ին ավելացել են շուրջ 994 մլրդ. ՀՀ դրամով կամ 15.4%-ով:

## ՌԵԶԻԴԵՆՏՆԵՐԻ ԱՎԱՆԴՆԵՐ


Մլրդ. ՀՀ դրամ



2025թ-ին ռեզիդենտների ավանդներն ավելացել են շուրջ 906 մլրդ. ՀՀ դրամով կամ 18.2%-ով:


## ՈՉ ՌԵԶԻԴԵՆՏՆԵՐԻ ԱՎԱՆԴՆԵՐ

Մլրդ. ՀՀ դրամ




2025թ-ին ոչ ռեզիդենտների ավանդներն ավելացել են շուրջ 89 մլրդ. ՀՀ դրամով կամ 6.0%-ով:

# ԴՐԱՄՈՎ ԵՎ ԱՐՏԱՐԺՈՒՅԹՈՎ ԱՎԱՆԴՆԵՐԻ ՄԱՍՆԱԲԱԺԻՆԸ ԸՆԴՀԱՆՈՒՐ ԱՎԱՆԴՆԵՐՈՒՄ




# ԲԱՆԿԵՐԻ ԿՈՂՄԻՑ ՆԵՐԳՐԱՎՎԱԾ ԱՎԱՆԴՆԵՐԻ ՏՈԿՈՍԱԴՐՈՒՅՔՆԵՐ

Ֆիզիկական անձանց 181 օրից 1 տարի ժամկետով ավանդների տոկոսադրույքներ




Ֆիզիկական անձանց 1-5 տարի ժամկետով ավանդների տոկոսադրույքներ



Ֆիզիկական անձանց 181 օրից 1 տարի ժամկետով ավանդների տոկոսադրույքը ՀՀ դրամով 2025թ-ի դեկտեմբերին 2024թ-ի դեկտեմբերի համեմատ ավելացել է 0.3%-ով, իսկ դոլարով ավանդների տոկոսադրույքը՝ 1.1%-ով:


Ֆիզիկական անձանց 1-5 տարի ժամկետով ավանդների տոկոսադրույքը ՀՀ դրամով 2025թ-ի դեկտեմբերին 2024թ-ի դեկտեմբերի համեմատ ավելացել է 0.2%-ով, դոլարով ավանդների տոկոսադրույքը մնացել է անփոփոխ՝ կազմելով 4.2%:

## ԲԱՆԿԵՐԻ ԿՈՂՄԻՑ ԹՈՂԱՐԿՎԱԾ ՊԱՐՏԱՏՈՄՄԵՐ



2025թ-ին բանկային համակարգի կողմից թողարկված պարտատոմսերի ծավալը ավելացել է 18 մլրդ ՀՀ դրամով կամ 3.5%-ով:


## ՊԱՐՏԱՏՈՄՄԵՐՈՒՄ ՆԵՐԴՐՈՒՄՆԵՐ



2025թ-ին արժեթղթերում ներդրումները ավելացել են շուրջ 194 մլրդՀՀ դրամով կամ 9.0%-ով:

# ՇԱՐՈՒՅԹ

Մլրդ. ՀՀ դրամ



2025թ-ին բանկային համակարգն ապահովել է 421 մլրդ ՀՀ դրամի շահույթ, որը 2024թ-ի համեմատ ավելացել է շուրջ 60 մլրդ ՀՀ դրամով կամ 17%-ով:


## ԵԿԱՄՈՒՏ-ԾԱԽՍ ԶԱՇՎԵՏՎՈՒԹՅԱՆ ԶԻՄՆԱԿԱՆ ՏԱՐԻԵՐԸ

	01.01.2024-31.12.2024	01.01.2025-31.12.2025	Փոփոխությունը (աճ/սվազ. 01/01/2025-31/12/2025 01/01/2024-31/12/2024 համեմատ)	
			Բացարձակ	(%)
Ձուտ տոկոսային եկամուտ	502	619	117	23.3
Ոչ տոկոսային եկամուտ	351	360	9	2.6
Ոչ տոկոսային ծախս	(376)	(430)	(54)	14.4
Ձուտ մասհանումներ պահուստին	(38)	(36)	2	(5.3)
Շահութահարկի գծով ծախս	(78)	(92)	(14)	18.0
<b>Ձուտ շահույթ</b>	<b>361</b>	<b>421</b>	<b>60</b>	<b>17.0</b>


Դիտարկելով շահույթի կառուցվածքը կարելի է նկատել, որ 2025թ-ին ընթացքում բանկային համակարգի շահույթի աճն հիմնականում պայմանավորված է եղել զուտ տոկոսային եկամտի 23.3% աճով:

# ՀՀ ԱՌԵՎՏՐԱՅԻՆ ԲԱՆԿԵՐԻ ԿՈՂՄԻՅ ՎՃԱՐՎԱԾ ՀԱՐԿԵՐԻ ԴԻՆԱՄԻԿԱՆ

մլն. ՀՀ դրամ



մլն. ՀՀ դրամ




■ Շահութահարկ    ■ Եկամտային հարկ    ■ Այլ հարկեր և վճարներ

2025թ-ին ՀՀ առևտրային բանկերի կողմից վճարվել է շուրջ 164.6 մլրդ ՀՀ դրամ հարկ, որը 2024թ-ի նույն ժամանակահատվածում համեմատ ավելացել է շուրջ 45 մլրդ դրամով կամ 37.6%-ով: Մինևույն ժամանակ, 2025թ-ին բանկերի կողմից վճարված հարկերի մասնաբաժինը ընդհանուր հարկերում կազմել է 8.5%, որը 2024թ-ի նույն ցուցանիշի համեմատ ավելացել է 1.8%-ով: Անրադառնալով ընդհանուր հարկերի կառուցվածքին կարելի է նկատել, որ բանկերի կողմից վճարված շահութահարկը 2025թ-ին կազմել է 1000 խոշոր հարկատուների կողմից վճարված ընդամենը շահութահարկի 29.2%, որը 2024թ-ի նույն ցուցանիշի համեմատ ավելացել է 4.3%-ով:

# ԱԿՏԻՎՆԵՐ/ՅՆԱ, ՎԱՐԿԵՐ/ՅՆԱ ԵՎ ԱՎԱՆԴՆԵՐ/ՅՆԱ

2015-2025



# ԲԱՆԿԵՐԻ ՄԱՍՆԱՃՅՈՒՂԵՐԻ ՔԱՆԱԿԸ ԵՎ ԱՇԽԱՏԱԿԻՑՆԵՐԻ ՄԻՋԻՆ ԹԻՎԸ

31.12.2025



**546**

ԲԱՆԿԵՐԻ ՄԱՍՆԱՃՅՈՒՂԵՐԻ ՔԱՆԱԿԸ



**16 787**

ԲԱՆԿԵՐԻ ԱՇԽԱՏԱԿԻՑՆԵՐԻ ՄԻՋԻՆ ԹԻՎԸ

524 մասնաճյուղ

546 մասնաճյուղ



2015թ.

2025թ.

Բանկերի մասնաճյուղերի քանակը 2025թ. -ին 2024թ. համեմատ ավելացել է 6-ով, իսկ 2015թ. համեմատ՝ 22-ով:

11 486 աշխատակից

16 787 աշխատակից



2015թ.

2025թ.

Բանկերի աշխատակիցների միջին թիվը 2025թ.-ին 2024թ. համեմատ ավելացել է 963-ով, իսկ 2015թ. համեմատ՝ 5 301-ով:

# ԲԱՆԿԵՐԻ ՄԱՍՆԱՃՅՈՒՂԵՐԻ ՔԱՆԱԿԸ ԵՐԵՎԱՆՈՒՄ ԵՎ ՄԱՐԶԵՐՈՒՄ

31.12.2025



**275**

ԵՐԵՎԱՆ



**271**

ՄԱՐԶԵՐ

Բանկերի մասնաճյուղերի քանակը Երևանում 2025թ.-ին 2024թ. համեմատ ավելացել է 2-ով, իսկ 33 մարզերում նվազել է 4-ով: